

山海經序

晉記室叅軍郭璞撰

世之覽山海經者皆以其閎誕迂誇多奇恠俶儻之言莫不疑焉嘗試論之曰莊生有云人之所知莫若其所不知吾於山海經見之矣夫以宇宙之寥廓羣生之紛紜陰陽之煦蒸萬殊之區分精氣渾淆自相瀆薄遊魂靈恠觸像而構流形於山川麗狀於木石者惡可勝言乎然則總其所以垂鼓之於一響成其所以變混之於一象世之所謂異未知其所以異世之所謂不異未知其所以不異何者物不自異待我

山海經

序

而後異異果在我非物異也故胡人見布而疑麋越人見蜀而駭毳夫翫所習見而奇所希聞此人情之常蔽也今略舉可以明之者陽火出於冰水陰鼠生於炎山而俗之論者莫之或恠及談山海經所載而咸恠之是不恠所可恠而恠所不可恠也不恠所可恠則幾於無恠矣恠所不可恠則未始有可恠也夫能然所不可不可所不可然則理無不然矣案汲郡竹書及穆天子傳穆王西征見西王母執璧帛之好獻錦組之屬穆王享王母于瑤池之上賦詩往來辭義可觀遂襲崑崙之丘遊軒轅之宮眺鍾山之嶺玩

帝者之寶勒石王母之山紀跡玄圃之上乃取其嘉
木豔草奇鳥恠獸玉石珍瑰之器金膏燭銀之寶歸
而殖養之於中國穆王駕八駿之乘右服盜驪左驂
騾耳造父爲御犇戎爲右萬里長驚以周歷四荒名
山大川靡不登濟東升大人之堂西燕王母之廬南
轅轡鼉之梁北躡積羽之衢窮歡極娛然後旋歸案
史記說穆王得盜驪騾耳驂騶之驥使造父御之以
西巡狩見西王母樂而忘歸亦與竹書同左傳曰穆
王欲肆其心使天下皆有車轍馬跡焉竹書所載則
是其事也而譙周之徒足爲通識瑰儒而雅不平此

山海經

序

二

驗之史考以著其妄司馬遷叙大宛傳亦云自張騫
使大夏之後窮河源惡覩所謂崑崙者乎至禹本紀
山海經所有恠物余不敢言也不亦悲乎若竹書不
潛出於千載以作徵於今日者則山海之言其幾乎
廢矣若乃東方生曉畢方之名劉子政辨盜械之尸
王頎訪兩面之客海民獲長臂之衣精驗潛効絕代
懸符於戲羣惑者其可以少寤乎是故聖皇原化以
極變象物以應恠鑒無滯蹟曲盡幽情神焉瘦哉神
焉瘦哉蓋此書跨世七代歷載三千雖暫顯於漢而
尋亦寢廢其山川名號所在多有舛謬與今不同師

訓莫傳遂將湮泯道之所存俗之所喪悲夫余有懼
焉故爲之創傳疏其壅閼闢其蕝蕪領其玄致標其
洞涉庶幾令逸文不墜于世竒言不絕於今夏后之
迹靡刊於將來八荒之事有聞於後裔不亦可乎夫
蔚蒼之翔叵以論垂天之凌蹄涔之遊無以知絳虬
之騰鈞天之庭豈伶人之所躡無航之津豈蒼兕之
所涉非天下之至通難與言山海之義矣嗚呼達觀
博物之客其鑒之哉

山海經目錄

第一

南山經

第二

西山經

第三

北山經

第四

東山經

第五

山海經

目錄

中山經

第六

海外南經

第七

海外西經

第八

海外北經

第九

海外東經

第十

海內南經

第十一

海內西經

第十二

海內北經

第十三

海內東經

第十四

大荒東經

第十五

山海經

目錄

大荒南經

第十六

大荒西經

第十七

大荒北經

第十八

海內經

山海經目錄

山海經第一

晉郭璞傳
明吳琯校

南山經

南山經之首曰雒山其首日招搖之山臨于西海之

上在蜀伏山山南之西頭濱西海也多桂桂葉似枇杷長二尺餘廣數寸味辛白花叢生山峯

冬夏常青間無雜木曰多金玉有草焉其狀如韭氏春秋曰招搖之桂

韭音九爾雅云而青花其名曰祝餘或作桂茶食之不飢

有木焉其狀如穀而黑理穀楮也皮作紙縑曰穀亦名構名穀者以其實如穀

也其花四照言有光燄也若木華赤其光照地亦此類也見離騷經其名曰迷

山海經 卷之一

穀佩之不迷有獸焉其狀如禺而白耳禺似獼猴而大赤日長尾

今江南山中多有說者不了此物名禺作牛伏行人字圖亦作牛形或作猴皆失之也禺字音遇

走其名曰狺狺食之善走生生禺獸狀如猿伏行交足亦此類也見京房易

麗麇之水出焉麇音而西流注于海其中多育沛未詳

佩之無瘕疾瘕蟲病也

又東三百里曰堂一作常庭之山多棧木棧別名連其子似柰而赤

可食多白猿今猿似獼猴而大臂脚長便多水玉音剗捷色有黑有黃鳴其聲哀

今水精也相如上林賦曰水玉多黃金磊砢赤松子所服見列仙傳

又東三百八十里曰狻翼之山其中多怪獸水多怪

魚凡言怪者皆謂貌狀渥奇不常也尸子曰徐偃王好怪沒深水而得怪魚入深山而得怪獸者多列

於庭多白玉多蝮虫蝮虫色如綬文鼻上有針大者百餘斤一名反鼻虫古虺字多

怪蛇多怪木不可以上

又東三百七十里曰柎陽之山音紐其陽多赤金也銅其

陰多白金銀也見爾雅山南為陽山北為陰有獸焉其狀如馬而白

首其文如虎而赤尾其音如謠如人歌聲其名曰鹿蜀佩

之宜子孫佩謂帶其皮尾怪水出焉而東流注于憲翼之水

其中多玄龜其狀如龜而鳥首虺尾虺尾銳其名曰旋

龜其音如判木如破木聲佩之不聾可以為底底躡也為猶治也外

傳曰疾不可為一作底猶病愈也東三百里柢山音帶多水無草木有

魚焉其狀如牛陵居蛇尾有翼其羽在鮭下亦作脅其

山海經 卷之一 二

音如留牛莊子曰執犁之狗謂此牛也穆天子傳曰天子之狗執虎豹其名曰鱧

音六冬死而夏生此亦蟄類也謂之死者言其蟄無所知如死耳食之無腫疾

又東四百里曰亶爰之山亶音蟬多水無草木不可以

上言崇峭也有獸焉其狀如狸而有髦其名曰類類或作沛髦或

作髮自為牝牡食者不妬莊子亦曰類自為雌雄而化今豕猪亦自為雌雄

又東三百里曰基山其陽多玉其陰多怪木有獸焉

其狀如羊九尾四耳其目在背其名曰獬訴博施二音施一

作施佩之不畏不知恐畏有鳥焉其狀如雞而三首六目六

足三翼其名曰鷦鷯鷦鷯急性食之無臥使人少眠

又東三百里曰青丘之山亦有青丘國在海外水經云即上林賦云秋田於青

丘其陽多玉其陰多青護音護有獸焉其狀如狐

而九尾尾即九尾狐其音如嬰兒能食人食者不蠱敢其肉令人不

逢妖邪之氣或曰蠱蠱毒有鳥焉其狀如鳩其音若呵如人相名

曰灌灌或作濩濩佩之不惑英水出焉南流注于即翼之

澤其中多赤鱗音懼其狀如魚而人面其音如鴛鴦食

之不疥一作疾

又東三百五十里曰箕尾之山其尾踰于東海多沙

石踰古蹲字言臨海上音存沔水出焉音芳而南流注于涓音育其中

多白玉凡雒山之首自招搖之山以至箕尾之山凡

十山二千九百五十里其神狀皆鳥身而龍首其祠

山海經 卷之一 三

之禮毛言擇牲取其毛色也周官曰賜祀用騂牲之毛用一璋玉瘞半圭為璋瘞埋

也糝用稌米音精祀神之米名先呂反今江東音所一音壻稌稌稻也他覩反糝或作疏非也

一壁稻米白菅為席管茅屬也音問

南次二經之首曰柜山音矩西臨流黃北望諸毗東望

長右皆山名英水出焉西南流注于赤水其中多白玉

尸子曰水方折者有玉負折者有珠多丹粟細丹砂如粟也有獸焉其狀如豚

有距其音如狗吠其名曰狸力見則其縣多土功有

鳥焉其狀如鴟而人手其脚如人手其音如痺未詳其

名曰鶉音株其鳴自號也見則其縣多放士放放還或作效也

東南四百五十里曰長右之山無草木多水有獸焉

其狀如禺而四耳其名長右以山出此獸其音如吟

如人呻吟聲見則郡縣大水

又東三百四十里曰堯光之山其陽多玉其陰多金

有獸焉其狀如人而彘鬣穴居而冬蟄其名曰狷褻

滑懷雨音其音如斲木如人所斲木聲見則縣有大繇謂作役也或曰其縣

亂

又東三百五十里曰羽山今東海祝其縣西南有羽山即縣所殛處計此道里

不相應其下多水其上多雨無草木多蝮虫也

又東三百七十里曰瞿父之山音劬無草木多金玉

又東四百里曰句餘之山無草木多金玉今在會稽餘姚縣南

山海經 卷之一 四

句章縣北故此二縣因此為名云見張氏地理志

又東五百里曰浮玉之山北望具區具區今吳縣西南太湖也尚書

謂之震澤東望諸毗水名有獸焉其狀如虎而牛尾其音如

吠犬其名曰彘是食人若水出于其陰北流注于具

區其中多鱮魚鱮魚狹薄而長頭大者尺餘太湖中今饒之一名刀魚音祚啓反

又東五百里曰成山四方而三壇形如人築壇相累也成亦重耳其

上多金玉其下多青護闌水出焉音涿而南流注于

流注于西虓勺虓音呼勺或作多下同其中多黃金今永昌郡水出金如糠在沙中

尸子曰清水出黃金玉英

又東五百里曰會稽之山四方今在會稽郡山陰縣南上有禹冢及井

其上多金玉其下多硃石

硃武夫石似玉今長沙臨湘出之赤地白文色龍葱

不分明 勺水出焉而南流注于澳

音鴟

又東五百里曰夷山無草木多沙石澳

一作水出焉

而南流注于列塗

又東五百里曰僕勾

一作夕

之山其上多金玉其下多

草木無鳥獸無水

又東五百里曰咸陰之山無草木無水

又東四百里曰洵

一作旬

山其陽多金其陰多玉有獸

焉其狀如羊而無口不可殺也

稟氣自然

其名曰獫狁

患 洵水出焉

音詢

而南流注于闕之澤

音遏

其中多芘羸

山海經

卷之一

五

紫色螺也

又東四百里曰虔勺之山其上多梓柟

梓山楸也柟大木葉似桑

今作楠音南爾雅以為柟其下多荆杞

杞荀杞也子赤

滂水出焉

音滂沱之滂

而東流注于海

又東五百里曰區吳之山無草木多砂石鹿水出焉

而南流注于滂水

又東五百里曰鹿吳之山上無草木多金石澤更之

水出焉而南流注于滂水水有獸焉名曰蠱雕

蠱或作纂

其狀如雕而有角其音如嬰兒之音是食人

東五百里曰漆吳之山無草木多博石無玉

可以為博碁石

處于海東望丘山其光載出載入神光之所潛耀是惟日次

是日景之所次舍凡南次二經之首自柜山至于漆吳之山

凡十七山七千二百里其神狀皆龍身而鳥首其祠

毛用一璧瘞糈用稌稻穡也

南次三經之首曰天虞之山其下多水不可以上

東五百里曰禱過之山其上多金玉其下多犀兕犀似

水牛猪頭痺脚脚侶象有三蹄大腹黑色三角一在頂上一在額上一在鼻上在鼻上者小而不墮食角

也好馥棘口中常灑血沫兕亦侶水牛青色一角重三千斤多象象獸之最大者長鼻大者牙長

一丈性妬不畜淫子有鳥焉其狀如鳩鳩侶鳧而小脚近尾音駸箭之駸而白

首三足或作手人面其名曰瞿音劬其鳴自號也浪水

山海經 卷之一

出焉音銀而南流注于海其中有虎蛟蛟侶蛇四足龍屬其狀

魚身而蛇尾其音如鴛鴦食者不腫可以已痔

又東五百里曰丹穴之山其上多金玉丹水出焉而

南流注于渤海渤海海岸曲崎頭也有鳥焉其狀如雞五采而

文名曰鳳皇首文曰德翼文曰義背文曰禮膺文曰

仁腹文曰信是鳥也飲食自然自歌自舞見則天下

安寧漢時鳳鳥數出高五六尺五采莊周說鳳文字與此有異廣雅云鳳雞頭鸕鵒蛇頸龜背魚尾

雌曰皇雄曰鳳

又東五百里曰發爽或作喪之山無草木多水多白猿

沉水出焉而南流注于渤海

又東四百里至于旄山之尾其南有谷曰育遺或作

多怪鳥廣雅曰鷓鴣鷓鴣朋爰居凱風自是出凱風南風

又東四百里至于非山之首其上多金玉無水其下

多蝮虫

又東五百里曰陽夾之山無草木多水

又東五百里曰灌湘之山上多木無草多怪鳥無獸

一作灌湖射之山

又東五百里曰鷄山其上多金其下多丹贖赤色

贖美丹也見尚書音尺蠖之蠖黑水出焉而南流注于海其中有鱒

魚音團扇其狀如鮒而彘毛其音如豚見則天下大

山海經 卷之一 七

早

又東四百里曰令丘之山無草木多火其南有谷焉

曰中谷條風自是出東北風為條風記曰條風至出輕繫督逋留有鳥焉

其狀如梟人面四目而有耳其名曰顛音娛其鳴自號

也見則天下大旱

又東三百七十里曰侖者之山音論說之其上多金

玉其下多青贖有木焉其狀如穀而赤理其汗如漆

其味如飴食者不飢可以釋勞其名曰白蓉或作罽蘇

一名白蓉見廣雅音羔可以血玉血謂可用染玉作光彩

又東五百八十里曰禺橐之山多怪獸多大蛇

東五百八十里曰南禺之山其上多金玉其下多水
有穴焉水出輒入夏乃出冬則閉佐水出焉而東南
流注于海有鳳皇鵠亦鳳屬

凡南次三經之首自天虞之山以至南禺之山凡一
十四山六千五百三十里其神皆龍身而人面其祠
皆一白狗祈祈請禱也糈用稌

右南經之山志大小凡四十山萬六千三百八十
里